

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KT 0058202 26
Zenica, 25.03.2026. godine**

**OPĆINSKI SUD U TEŠNJU
-Sudiji za prethodno saslušanje-
TEŠANJ**

Na osnovu člana 45. stav 2. tačke i) u vezi sa članom 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem

O P T U Ź N I C U

Protiv:

H. DŽ. ...

što je:

dana 19.04.2024. godine, oko 21,30 sati u mjestu ..., općina ..., na parking prostoru pored benzinske pumpe "... " suprotno odredbama člana 4. stav 1. u vezi sa članom 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH", broj: 8/06), iako je znao da je držanje opojne droge radi prodaje zakonom zabranjeno, to je i htio, pa je neovlašteno radi prodaje kod sebe, i to u džepu hlača i u džepu prslučeta, držao više tačno razvaganih pakovanja opojne droge i to prozirnu PVC kutiju sa poklopcem u kojoj se nalazilo šest (6) PVC paketića (tri prozirna i tri plava) sa sadržajem bijelo žute praškaste materije neto mase 0,510 grama, 0,540 grama, 0,544 grama, 0,452 grama, 0,616 grama i 0,534 grama, te jedan PVC omot sa dva (2) plava PVC paketića sa sadržajem bijelo žute praškaste materije neto mase 0,372 grama i 0,333 grama, kao i dva (2) plava PVC paketića sa sadržajem bijelo žute praškaste materije neto mase 0,399 grama i 0,410 grama, ukupne neto mase 4,710 grama, za koju materiju je vještačenjem utvrđeno da se radi o opojnoj drogi "Amfetamin" koja se, kao takva, nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH" broj: 8/06, 103/08 i 51/11) i to u Tabeli II (Tvari i biljke pod strogim nadzorom) pod rednim brojem 1. Liste psihotropnih tvari, a koju opojnu drogu je dobrovoljno predao prilikom kontrole parkiranog putničkog motornog vozila marke "...", registarskih oznaka "... " u kojem se nalazio na mjestu suvozača o čemu mu je izdata potvrda o privremenom oduzimanju predmeta,

dakle, neovlašteno radi prodaje držao opojnu drogu,

čime bi učinio krivično djelo Neovlašćena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 58/2025), u daljem tekstu "KZ F BiH").

Radi toga, donosim

PRIJEDLOG dokaza koje treba izvesti

...Tužilaštvo predlaže da se osumnjičenom H. Dž., na osnovu odredbe člana 238. stav 4. KZ F BiH **izrekne mjera sigurnosti oduzimanja predmeta** i to:

- opojne droge "*Amfetamin*" neto mase 0,484 grama, 0,426 grama, 0,514 grama, 0,426 grama, 0,588 grama, 0,514 grama, 0,344 grama, 0,305 grama, 0,367 grama i 0,382 grama,

koja je preostala nakon izvršenog uzorkovanja radi vještačenja od ukupno privremeno oduzete opojne droge od osumnjičenog.